



Pou Piblikasyon Imedya: 09/11/2025

GOUVÈNÈ KATHY HOCHUL

GOUVÈNÈ HOCHUL EGZÒTE NOUYÒKÈ YO POU PRAN PREKOSYON AVAN NÈJ EFÈ LAK LA K AP TONBE A

Yo pibliye avi sou move tan ivè pou kèk pati nan Lwès Nouyòk, Finger Lakes, North Country ak Nouyòk Santral apati aswè a rive demen maten

8-15 cm (3-6 pous) posib nan konte Chautauqua, 8-13 cm (3-5) pous posib nan konte Niagara ak Orleans ak total lokalize ki pi wo posib apati dimanch swa epi kontinye jiska madi swa

Yo prevwa tanperati y ap santi yo ap desann rive nan nan ba pou rive mwaye dizèn degre nan plizyè zòn nan eta a

Nouyòkè yo ka enskri pou resevwa mesaj tèks sou meteyo ak alèt ijans lè yo voye mesaj nan nimewo 333111

Jodi a, Gouvènè Kathy Hochul te ankouraje Nouyòkè yo pou yo pran prekosyon anvan nèj ki gen efè lak ki ta dwe gen enpak sou kèk pati nan Lwès Nouyòk. Yo pibliye Avi pou Meteo Ivè a pou dimanch swa jiska lendi maten, ak previzyon 7-15 cm (3-6 pous) nèj pou Konte Chautauqua e 8-13 cm (3-5) posib nan Konte Niagara ak Orleans e gen posibilite pou kantite nèj ki pi wo ki lokalize. Yon premye peryòd nèj ap kòmanse dimanch swa epi kontinye jiska lendi maten anvan li diminye epi rekòmanse lendi swa jiska madi swa. Nèj ki gen efè lak ki tonbe pita ka afekte vizibilite lè w ap kondui, anplis kondisyon wout glise. Yo prevwa tanperati 'y ap santi' yo ap desann rive nan ba pou rive mwaye dizèn degre nan plizyè zòn nan eta a.

"Pandan move tan ivè a ap avanse semèn sa a, m ap ankouraje Nouyòkè ki nan zòn ki afekte yo pou yo pran prekosyon epi pran mezi pou prepare yo pou kondisyon frèt ak nèj yo", **Gouvènè Hochul te deklare.** "Ajans eta yo pare pou ede Nouyòkè yo epi pou asire kominote nou yo rete an sekirite pandan premye tanpèt ivè ane a."

Aprè yon peryòd lapli toupatou dimanch, yo prevwa yon gwo fwon frèt ak tanperati ki ba ant 10 ak 20 degre pral lakòz yon chanjman an nèj apati dimanch swa. Bann nèj ki ranfòse ak lak yo pral devlope nan sidès Lak Erie ak Lak Ontario epi yo pral pèsiste omwen jiska lendi swa, sa ap afekte tou North Country ak Nouyòk Santral Li posib tou

pou nèj ki pi lejè detanzantan deyò zòn prensipal ki gen efè lak la. Pandan van lwès yo ap vin pi fò, li ka dirije nèj ki pi fèb nan direksyon lès lak yo madi.

Anplis prepare pou nèj, Nouyòkè yo ta dwe prepare tou pou pwoteje kont danje move tan ak aktivite ivè yo ka lakoz. Dapre règleman Eta a, yon Kòd Ble otomatikman anvigè nenpòt lè tanperati a ak van frèt enferyè ak 0 degre C (32 degre F). Distri sèvis sosyal lokal yo legalman gen obligasyon pou pran mezi nesèsè pou asire moun ki sanzabri gen aksè akabri epi lèabri yo pwolonje. Nou ka jwenn konsèy Depatman Sante sou Tan Frèt [isit la](#); ou ka jwenn lòt konsèy pou anpeche blesi akoz fredri ak ipotèmi [isit la](#); Ou ka jwenn enfòmasyon sou anpwazonman ak monoksid kabòn [isit la](#); ka jwenn enfòmasyon sou itilizasyon jeneratris yon fason apwopriye [isit la](#); Ou ka jwenn konsèy pou kondwi an ivè san danje [isit la](#).

Depatman Travay Eta Nouyòk la konseye travayè yo ak anplwayè yo pou yo angaje yo nan meye pratik kont move tan frèt ekstrèm yo tankou:

- Limite travay deyò, bay repo souvan nan zòn ki cho yo epi planifye travay deyò pandan lè ki pi cho nan jounen an.
- Asire aksè ak dlo pwòp ki potab.
- Rete idrate ak bwason ki cho epi evite bwè kafeyin.
- Mete PPE ki apwopriye, ki gen ladan omwen twa kouch rad, gan oswa mitèn, chosèt ki epè, soulye izolan ak yon chapo, kapich oswa yon doubli kas sekirite.

Ou ka jwenn plis enfòmasyon sou pi bon pratik pou travay nan move tan frèt la [isit la](#).

Yo pibliye Avi sou Meteo Ivè pou zòn atravè eta a epi moun Nouyòk yo ta dwe siveye previzyon lokal yo byen epi chèche dènye nouvèl ki soti nan Sèvis Meteyo Nasyonal (National Weather Service, NWS) la. Pou kapab jwenn yon lis konplè alèt yo, vizite sit entènèt Sèvis Meteyowolojik Nasyonal (National Weather Service) la nan alerts.weather.gov.

Nouyòkè yo dwe asire ke alèt ijans gouvènman an aktive sou telefòn mobil yo. Nouyòkè yo ka enskri tou pou resevwa mesaj tèks sou meteyo ak alèt ijans an tan reyèl lè yo voye non konte oswa distri yo nan nimewo [333111](tel:333111).

Preparasyon Ajans

Divizyon Sekirite Teritwa ak Sèvis pou Ijans yo (Division of Homeland Security and Emergency Services)

Biwo Jesyon Ijans (Office of Emergency Management) Divizyon an rete an kontak ak omològ lokal li yo epi prepare pou fasilite nenpòt demann lokal pou asistans. Rezèv eta yo pare pou deplwaye resous entèvansyon ijans ak atik jan sa nesèsè. Sant Siveyans Eta a, ki se sant alèt ak avètisman 24 èdtan sou 24 ak 7 jou sou 7 nan Nouyòk la, ap siveye trajektwa tanpèt la ak enpak li sou tout eta a ak anpil atansyon.

Depatman Transpò (Department of Transportation)

Depatman Transpò Eta a ap kontwole kondisyon meteyo yo epi li prepare pou entèvni avèk 3,474 sipèvizè ak operatè. Ekip rejyonal yo angaje yo kounye a nan efò entèvansyon kont nèj ak glas ak aktivite preparasyon yo. Tout lokal rezidansyèl yo pral kontinye gen anplwaye sou plas pou yo ka fonksyone 24/24, 7/7 pandan tout dire evènman an ak operasyon netwayaj priyorite yo.

Tout ekipman ki disponib pou nèj ak glas pare pou yo deplwaye. Flòt Mekanik nan zòn ki afekte yo ap gen anplwaye nan tout lye rezidans prensipal yo 24/7 pou fè reparasyon epi mentni kamyon yo sou wout la. Kantite ekipman ki genyen nan tout Eta a repati konsa:

- 1571 gwo kamyon chasnèj
- 148 chasnèj mwayen
- 54 remòk chasnèj
- 335 gwo chajè
- 32 aparèy pou soufle nèj
- 16 aparèy pou fè nivèlman

Pou jwenn enfòmasyon sou sikilasyon an tan reyèl, otomobilis yo dwe rele 511 oswa vizite www.511NY.org oswa sit mobil la nan m.511ny.org, sous enfòmasyon sou vwayaj ak sikilasyon ofisyèl Eta Nouyòk la.

Otorite Thruway (Thruway Authority)

Otorite Thruway pare pou li entèvni avèk 674 sipèvizè ak operatè ki disponib. Kantite ekipman ak resous ki genyen nan tout eta a repati konsa:

- 351 kamyon chasnèj pwa lou ak pwa mwayen
- 10 remòk chasnèj
- 61 chajè
- 131,000+ tòn sèl disponib

Yo itilize Pano pou Mesaj Varyab ak rezo sosyal ([X](#) ak [Facebook](#)) yo pou avèti otomobilis yo sou kondisyon move tan ivè pandan yo sou Thruway la.

Yo ap raple otomobilis yo ke veyikil chas nèj Thruway yo kouri a yon vitès 56 kilomèt (35 mil) pa èdtan — sa ki nan anpil ka pi ba pase limit vitès ki afiche a — nan objektif pou kapab asire ke sèl yo ap dispèse a rete nan liy kote moun kondwi yo epi li pa gaye soti sou wout la. Kote ki pi pa gen danje pou chofè yo dèyè chasnèj yo kote wout la lib ak sale.

Otorite Thruway yo ankouraje otomobilis yo telechaje [aplikasyon mobil](#) li an, ki disponib gratis sou aparèy iPhone ak Android yo. Aplikasyon an bay otomobilis yo aksè dirèk ak enfòmasyon sou sikilasyon an nan tan reyèl, kamera sikilasyon yo nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou

pou imèl [TRANSalert](#) epi swiv [@ThruwayTraffic](#) sou X pou dènye enfòmasyon sou kondisyon sikilasyon sou Thruway la.

Depatman Sèvis Piblik (Department of Public Service)

Sèvis piblik Nouyòk yo genyen apeprè 5,500 travayè disponib nan tout eta a pou angaje nan evalyasyon domaj, efò entèvansyon, reparasyon ak restorasyon atravè Eta Nouyòk. Pèsonèl depatman an ap swiv travay sèvis piblik yo pandan tout evènman an epi asire sèvis piblik yo voye anplwaye apwopriye yo nan rejyon ki gen pi gwo enpak yo.

Lapolis Eta Nouyòk

Lapolis Eta a te bay enstriksyon ak Manm Patwouy yo pou yo rete vijilan epi pral deplwaye pèsonèl anplis nan zòn ki afekte yo jan sa nesesè. Tout veyikil a kat wou yo an sèvis epi veyikil espesyalize yo pare pou deplwaman.

Depatman Konsèvasyon Anviwònmanal (Department of Environmental Conservation, DEC)

Anplwaye Jesyon Ijans Depatman Prezèvasyon Anviwònmanal (DEC), Ofisye Lapolis Depatman Konsèvasyon Anviwònmanal, Gad Forè, yo ak anplwaye rejyonal yo rete an alèt epi yo ap kontinye siveye previzyon metewo yo. An kolaborasyon ak patnè ajans yo, Depatman Konsèvasyon anviwonman (Department of Environmental Conservation, DEC) prepare pou kowòdone deplwaman tout resous ki disponib tankou premye entèvenan yo nan zòn ki sible nan preparasyon pou enpak potansyèl gwo chit nèj ka lakòz.

DEC raple ofisye lokal yo pou yo veye potansyèl inondasyon nan kominote pa yo. DEC raple sila yo ki responsab pou netwaye epi jete pou swiv pi bon pratik jesyon pou ede anpeche inondasyon epi redui posibilite pou gen polyan tankou sèl, sab, gaz, fatra ak lòt debri pou yo pa afekte kalite dlo a. Eliminasyon nèj nan rivyè ak kouran dlo lokal yo ka kreye baraj glas ki ka lakòz inondasyon. Operatè pou retire nèj piblik ak prive yo ta dwe okouran de pwoblèm sekirite sa yo pandan ak apre tanpèt la. Gen enfòmasyon adisyonèl ki disponib nan [Seri Direktiv Teknik ak Operasyonèl Divizyon Dlo: Dispozisyon nèj](#).

Yo ankouraje minisipalite yo pou reyalize evalyasyon lokal nan zòn ki gen tandans inonde yo epi pou retire nenpòt debri ki akimile. Pèmi ak otorizasyon DEC pa obligatwa pou retire debri amwenske retire debri yo ak/oswa itilize ekipman lou ap deranje riv oswa fon kanal kouran dlo yo.

Yo konseye minisipalite ak gouvènman lokal yo pou kontakte [Administratè Pèmi Rejyonal DEC](#) yo si li nesesè pou yo bay asistans oswa pou detèmine si yon pèmi nesesè. DEC ka bay [Otorizasyon Ijans](#) pou akselere apwobasyon pwojè yo nan plas yon pèmi endividyèl. DEC apwouve otorizasyon ijans pou sitiyasyon yo konsidere kòm ijans, baze sou pwoteksyon imedyat lavi, lasante, byennèt jeneral, pwopriyete oswa resous natirèl.

Gen plis enfòmasyon sou ewozyon kotyè ak inondasyon ki disponib sou [sitwèb DEC](#) la.

Sekirite pou randone

Move tan enprevizib ak tanpèt nan Adirondacks, Catskills ak lòt rejyon rekile nan peyi a, kapab kreye kondisyon danje sanzatann. Santye yo gen kondisyon miks, epi vizitè yo ta dwe prepare ak bon rad ak ekipman apwopriye pou tanperati ki pi frèt pou asire yon eksperyans eksteryè ki an sekirite.

Yo ankouraje randonè nan Adirondacks yo tcheke paj wèb [Enfòmasyon sou zòn Kanpay Adirondack](#) pou jwenn mizajou sou eta santye yo, fèmti wout sezonye yo, ak enfòmasyon lwazi jeneral.

Moun k ap vizite rejyon andeyò yo ta dwe [fè pridans](#) epi swiv bon jan gid sekirite. Planifye vwayaj kòm sadwa. Nan ka ijans, rele 9-1-1. Pou mande asistans Gad Forè, rele 1-833-NYS-RANGERS.

Biwo Pak, Lwazi ak Konsèvasyon Istorik (Office of Parks, Recreation and Historic Preservation)

Lapolis Pak Eta Nouyòk ak anplwaye pak yo rete alète epi y ap swiv depre kondisyon metewolojik ak enpak yo. Yo ap alimante, teste epi prepare ekipman pou repons, pou fè entèvansyon nan ka tanpèt. Vizitè pak yo ta dwe vizite parks.ny.gov, tcheke aplikasyon mobil gratis [NY State Parks Explorer](#) oswa rele biwo pak lokal yo pou yo jwenn dènye nouvèl konsènan lè fonksyonman pak yo, lè ouvèti ak fèmti yo.

Konsèy sekirite sou kondwi pandan ivè

- Siveye previzyon an pou zòn lokal ou a ak zòn ou ka vwayaje ladan.
- Evite vwayaj ki pa nesèsè yo.
- Si ou dwe vwayaje, asire ou ke otomobil ou gen materyèl pou siviv tankou lenn, yon pèl, flash ak pil anplis, rad cho anplis, yon pè chèn pou kawotchou, kab boustè pou batri, manje ki bay enèji rapid ak rad ki gen koulè klere pou sèvi kòm drapo detrès.
- Si ou gen telefòn selilè oswa lòt aparèy kominikasyon tankou yon wòki tòki disponib pou ou sèvi, kenbe batri a chaje epi kenbe l avè ou tout lè ou ap vwayaje. Si ou ta vin bloke, ou ap kapab rele pou mande èd, enfòmè sekouris yo sou kote ou ye.
- Prensipal kòz lanmò ak blesi pandan tanpèt ivè se aksidan transpò. Anvan ou chita dèyè volan, pa bliye retire glas ak nèj ki sou machin ou an; bon vizyon se sekre kondui byen. Planifye arè ou yo epi kite plis distans ant machin yo. Pote plis atansyon epi sonje pil nèj yo ka maske timoun ki pi piti yo. Toujou koresponn vitès ou selon kondisyon wout la epi selon meteyowolojik.
- Li enpòtan pou chofè ki sou tout wout yo konnen vitès chasnèj yo se 56 kilomèt alè (35 mph), sa ki nan anpil ka pi ba pase limit vitès ki make a.
- Anpil fwa sou otowout ant eta yo, chasnèj yo opere kòtakòt, pou netwaye san danje plizyè vwa yon sèl kou.
- Chofè machin ak pyeton dwe sonje chofè chasnèj yo ka wè devan yo sou yon distans limite, epi gwosè ak pwa chasnèj yo ka fè l difisil pou manevre epi

frennen touswit. Nèj chasnèj la ap soufle dèyè li ka diminye vizibilite anpil oubyen kreye yon vwal blan.

- Chofè machin yo pa ta dwe eseye double chasnèj yo, ni swiv yo twò pre. Kote ki gen plis sekirite pou chofè machin yo woule se lwen dèyè chasnèj yo, kote wout la klè epi gen sèl sou li. Pa janm eseye depase yon chasnèj pandan l ap fonksyone.

###

Lèt nouvèl disponib sou sit www.governor.ny.gov

Eta Nouyòk | Chanm Egzekitif | press.office@exec.ny.gov | 518.474.8418

Enskri pou w jwenn mizajou Biwo Gouvènè a: ny.gov/signup | Voyer tèks NEW YORK bay 81336

[ANILE ENSKRIPSYON OU](#)